

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0063703 25
Zenica, 10.06.2025. godine

**OPĆINSKI SUD U ZENICI
Sudija za prethodno saslušanje
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

M. E., osuđivan,

Što je:

dana 08.05.2025. godine oko 14,30 sati u Z. u ugostiteljskom objektu "B." koji se nalazi u ulici Z., grubim vrijeđanjem, nasiljem prema drugom, izazivanjem tuče, naročito drskim i bezobzirnim ponašanjem ugrozio građanski mir, na način da je galamio i prijetio radnicama navedenog ugostiteljskog objekta Š. A. i R. E., čime je uznemirio goste u navedenom objektu, kojom prilikom su navedene radnice zamolile K. M. da im pomogne da ga smire, te dok ga je K.M. smirivao i govorio mu da ne galami i da ne prijeti radnicama, i njega je vrijeđao, psuvao mu majku, te mu prijetio držeći viljušku i nož u rukama, govoreći mu da je "šmeker policiji", te da je dobar sa policijom, prijetio da će ga izbosti i da će ga odmah prebiti i riješiti, kojom prilikom ga je M. i dalje smirivao, na što se isti ogлуšio, te nastavio sa agresivnim ponašanjem i pozvao M. da izađe van objekta, gdje nema kamere da ga izudara, pa kada je M. izašao za njim u namjeri da ga smiri do dolaska policije jer su se radnice i građani uznemirili i prepali, nasrnuo je na istoga, zadajući mu više udaraca u predjelu glave kada je M. rukama zaštitio svoju glavu, te istoga savladao i zadržao do dolaska policije na lice mjesta, sve vrijeme svjestan da takvim nasiljem prema drugom ugrožava građanski mir, što je i htio,

dakle, nasiljem prema drugom ugrozio građanski mir,

čime je počinio krivično djelo nasilničko ponašanje iz člana 362. stav 1. KZ F BiH.